



En Santiago de Compostela, a 4 de maio de 2007

Reunidos

Dunha parte a Conselleira de Vivenda e Solo, D.<sup>a</sup> Teresa Táboas Veleiro e

Doutra banda, o Sr. Alcalde-Presidente do Concello de Pontevedra, D. Miguel Anxo Fernández Lores

### EXPOÑEN

**1º)** De acordo co previsto na lexislación vixente, toda a cidadanía ten dereito a gozar dunha vivenda digna e axeitada; en consecuencia, os poderes públicos promoverán as condicións necesarias e establecerán as normas pertinentes para facer efectivo este dereito, regulando a utilización do solo conforme ao interese xeral para impedir a especulación.

É por iso, que os entes e organismos públicos no marco das súas competencias e funcións deben arbitrar e impulsar medidas a este fin: o de proporcionar aos cidadáns vivendas dignas.

Nesta materia, -así como en todas aquelas en que interveñen competencias concorrentes entre Administracións diferentes, circunstancia normal nun Estado complexo como é o noso,- é tamén principio constitucional a colaboración e coordinación de actuacións.

**2º)** A Comunidade Autónoma de Galiza ten competencias exclusivas en materia de vivenda e solo tal e como sinala o artigo 27.3º do seu Estatuto de Autonomía.



Polo Decreto 211/05, de 3 de agosto do 2005, no que se establece a estrutura orgánica da Xunta de Galiza, atribúense á Consellería de Vivenda e Solo as competencias e funcións, entre outras, referidas á política de vivenda para favorecer o acceso dos cidadáns a este dereito, para o que se lle asignan a esta Consellería (art. 1º):

- c) As relacións con outros órganos estatais, autonómicos ou locais para a execución de política de vivenda.
- d) Elaborar e aprobar, se é o caso, os plans autonómicos en materia de vivenda e solo, así como o desenvolvemento e a execución dos plans estatais en materia de vivenda e solo.
- e) Executar os anteriores plans, mediante accións directas ou no exercicio da súa competencia xeral de fomento, a través dos diferentes órganos ou entes que en cada caso correspondan.
- x) A sinatura de convenios coa Administración estatal, autonómica e local para a execución das anteriores políticas.

Así mesmo, ten atribuídas as competencias en materia de solo produtivo, apartado I) do mesmo artigo.

**3º)** Os Concellos, dentro das súas competencias, poden promover toda clase de actividades e prestar todos os servizos públicos que contribúan a satisfacer as necesidades e aspiración dos seus veciños.

En especial, artigo 80.2º.d) da Lei de administración local de Galiza, Lei 5/1997, de 22 de xullo, compételle nos termos recollidos na lexislación, a promoción e xestión de vivendas.



Ademais, art. 86 do mesmo texto legal, para a xestión dos seus intereses propios o concello pode exercer actividades complementarias das outras Administracións Públicas e, en particular, as de vivenda, podendo para a realización desta actividade exercer as potestades de execución que lle son propias.

**4º)** En exercicio das competencias, funcións e atribucións de cada Administración e tendo como obxectivo común a satisfacción do mandato constitucional de facilitar o acceso a unha vivenda digna dos seus cidadáns, e considerando axeitado para o cumprimento de dito obxectivo a formalización dun protocolo polo que o Concello poda manter o seu patrimonio municipal de solo e obter do mesmo un proveito adecuado destinándoo a promoción de vivenda suxeitas a algúns dos prezos de protección autonómica; e que dentro das estratexias elaboradas pola Consellería de Vivenda e Solo está o desenvolvemento dunha política de vivenda que permita a maior extensión territorial da satisfacción desa demanda social de vivenda digna, e no exercicio cada un das súas propias funcións, chegan o acordo de subscribir o seguinte

## PROTOCOLO DE ACTUACIÓN

### Primeiro.- Xestión de solo.

Por considerar conveniente para ambas partes, en razón o cumprimento dos fins públicos que teñen respectivamente atribuídos conveniente en sustanciar permutas, no momento preciso, parcelas e edificabilidades que lles corresponden, de acordo co seguinte plantexamento:

- A) O Instituto Galego de Vivenda e Solo, integrado na Consellería de Vivenda e Solo é propietario das denominadas Parcelas T no polígono residencial de Monteporreiro, destinadas á vivendas protexidas.



Estas parcelas que se detallan no Anexo I, teñen a seguinte superficie e edificabilidade:

Parcela	Superficie en m <sup>2</sup>	Edificabilidade en m <sup>2</sup>
T1	3.035	3.100
T2	3.100	4.406,25
T3	1.840	3.100
T5	2.300	0000 (Z.V.)
T6	2.500	3.100
T7	2.303	3.100
T8	3.182	4.480
T9	2.106	3.100
<b>TOTAIS</b>	<b>20.366</b>	<b>24.386,25</b>

*(Circular stamp: CONCELLO DE PONTEVEDRA)*  
Das que resulta unha edificabilidade total de 24.386,25 m<sup>2</sup>, reconécida por o Plan Parcial de Solo Urbano de Monteporreiro, recollida no vixente PXOM.

B) O Concello de Pontevedra comprométese a permuta das parcelas descritas anteriormente por :

a) Parcelas municipais en A Barca

- parcela 45, rúa da Barca
- parcela 46, rúa do Urco, e Campo do Boi

*(Circular stamp: XUNTA DE GALICIA)*  
Parcelas que segundo informe municipal, reúnen a condición de solar, edificabilidade en planta PB+6PA+BC y PB+4PA+BC (Planta baixa=PB, Planta alta = PA y Baixo Cuberto = BC).

En todo caso na parcela 46, existe un edificio de PB+PA, protexidas polo Catálogo de Edificios e Elementos a Conservar de Pontevedra, co nivel de "Protección ambiental C"



b) No Polígono de Valdecorvos, sobre o que se está a tramitar unha modificación puntual do PXOM que promove o IGVS, o Concello en aplicación da normativa urbanística, obtería unha superficie edificable de 6.924 m<sup>2</sup>, correspondentes o 10% de cesión municipal de aproveitamento lucrativo.

c) Na Unidade de Actuación nº 7 (Tafisa) e a súa zona de influenza, estase a tramitar, asemade, unha Modificación puntual do PXOM, que, de aprobase definitivamente, implicaría que o Concello, en aplicación da cesión obligatoria do 10 % do aproveitamento lucrativo, resultaría propietario de 7.586 m<sup>2</sup> destinados a residencial de vivendas protexidas.

II.- Sobre as parcelas anteditas e outras que puideran proporse, se a súa xestión o permitise, ambas partes acordan proceder, no seu momento, a instrumentar cos requisitos e formalidades legais esixibles, unha permuta.

### Terceiro.- Rehabilitación, renovación e reforma.

A Consellería de Vivenda e Solo, ten entre as funcións encomendadas a de rehabilitación e posta en valor do patrimonio construído tanto no que fai referencia a edificación con valor histórico e etnográfico, paisaxístico e ambiental; como a simple, pero non menos relevante, de mellora da calidade e reparación de vivendas degradadas ou en mal estado de habitabilidade ou exterior, así como a mellora dos espazos públicos vivideiros.

Este é tamén interese municipal , polo que ambas partes conveñen:

- a) A contemplar os vellos barrios de vivendas protexidas sociais como "Fontesanta", "A Seca", "Salgueiriños", "Colonia Pina", "Rocafort", "Monte do Taco" ou "Chamusca" de modo prioritario na axudas de rehabilitación e renovación de vivendas que a tal obxecto convoque a Consellería; así como estudar e, no seu caso, executar intervencións para a mellora ou adecuación do espazos comúns e vivenciais.



## Cuarto.- Actuacions en Monteporreiro

É compromiso de ambas Administracions o abordar neste barrio, o máis importante da cidade en canto a vivenda protexida, unha serie de actuacions consistentes en:

- a) Realizar un proxecto de obras de humanización e mellora dos espazos públicos contemplados neste solo. A estes efectos constitúese unha Comisión Técnica Mixta para concretar e determinar as obras que sexa preciso acometer.
- b) En directa relación co antedito, procederase de modo inmediato a efectuar os estudos e traballos pertinentes para regularizar a situación administrativa das parcelas públicas, de cesión urbanística, instrumentando formalmente o seu traspaso ó Concello.
- c) Asinarase un convenio específico para a execución das obras previstas e acordadas na comisión mixta.

## Quinto.- Comisión de seguimento

Co fin de conseguir a mellor operatividade deste protocolo, constitúese unha comisión integrada, ex-aequo, polo sr. alcalde do Concello de Pontevedra e o delegado provincial da Consellaría de Vivenda e Solo, ou aqueles profesionais nos que delegue cadansúa Administración.

Na comisión poderá acordarse a incorporación de novas actuacions que consoliden a continuidade da colaboración de ambas Administracions no campo de vivenda e solo.



**Sexto.-**

O presente protocolo compromete as partes asinantes a levar a cabo as actuacións administrativas que respectivamente lles competen para a súa culminación, e, se fora preciso, a subscribir un Convenio cando sexa necesario para a súa execución.

O presente protocolo, ademais das causas xerais de extinción, extinguirase pola conclusión das actuacións obxecto do mesmo plan xeral.

**Sétimo.-**

En sinal de conformidade coas estipulacións do presente protocolo, asinamos ambos/as comparecientes, no lugar e data indicado no encabezamento.

En sinal de conformidade, asínase por triplicado e a un so efecto o presente documento no lugar e datas sinalados supra.

**Pola Consellería de Vivenda e Solo  
A Conselleira**

  
**Teresa Táboas Veleiro**

**Polo Concello de Pontevedra  
O Sr. Alcalde-Presidente**

**Miguel Anxo Fernández Lores**